

Cr. divaricata var. *canescens* pl. Cret. exs. 1847. — *Hieracium fœtidum* Fl. græc. tab. 799 non Willd.

Hab. in saxosis montium Sphacioticorum Cretæ in monte *Stravopodia* (Heldr.) alt. 6000' (Sibth.).

Planta 3-5 pollic., folia 2-4 poll. circ. longa infima minus profundè dentata, caules supernè ad pedunculos alternos eximiè angulato-flexuosi, pedunculi crassi 3-4 lin. longi, capitula magnit. eorum *Cr. Ni-cæensis*. Primùm retuleramus ad nostram *Cr. divaricatam* quæ accuratiùs comparata differt foliis longioribus profundius et acutiùs pinnatis præsertim caulibus divaricato-ramosissimis, pedunculis 1-2 pollices longis, involucri phyllis angustioribus parcè puberulis apice magis attenuatis. *Hier. fœtidum* Willd. — *Crepis fœtens* Frœlich in DC. Prodr. exs. planta Armena diversissima.

CREPIS MACROPUS Boiss. et Heldr. (Sect. *Eucrepis*.)

C. rhizomate crassiusculo nudo, collo squamoso, foliis radicalibus ad costam parcissimè hirsutis petiolatis runcinato-pinnatipartitis acuminatis segmentis omnibus retrorsis lanceolatis acutis integris vel denticulatis, caulibus puberulis simplicibus vel ad medium semel vel bis bifurcis 1-4 cephalis, foliis ad dichotomias angustè linearibus integris, pedunculis longis rectis squamulis setaceis paucis obsitis, capitulis mediocribus, calyculi squamis lineari-lanceolatis numerosis inæqualibus adpressis, involucri phyllis densè farinoso-tomentosis lanceolato-linearibus acutiusculis, ligulis flavis concoloribus involucrio sesquilon-gioribus, acheniis sub 12 striatis cylindricis rectis apice vix attenuatis pappo niveo eis longiori superatis.

Cr. divaricata var. *longipes* pl. Heldr. Anat. exs. 1846.

Hab. in collibus aridis Lycaoniæ ad occidentem urbis *Koniah Beycheher* versùs. (Heldr.)

Planta 8-9 poll. longa, folia bipollicaria, pedunculi 3-4 poll. longi, capitula paulò majora eis *Cr. divaricatæ* et præcedentis a quibus differt foliorum segmentis longioribus, pedunculis longissimis, involucrio valdè farinaceo-tomentoso, calyculi squamis numerosioribus.

CREPIS ATHOA Boiss. (Sect. *Eucrepis*.)

C. perennis, rhizomate cæspitoso, collo valdè squamoso, foliis radicalibus lanceolatis acutis in petiolum setulosum longè et angustè atte-

nuatis cæterum glabris lucidis lætè virentibus irregulariter et remotè dentatis dentibus brevibus triangularibus acutis, caule tenui erecto folia multò superanti superne dichotomè 2-4 cephalo pedunculis longis rectis parcè lineari-squamulosis, foliis caulinis 1-2 longè et angustè linearibus integris, capitulis mediocribus, involucri brevissimè farinoso-tomentelli squamis accessoriis paucis triplò brevioribus linearilanceolatis phyllis nigricantibus linearibus obtusiusculis angustè albo-marginatis, ligulis pallidè flavis concoloribus involucrio sesquolongioribus, acheniis subangulatis multistriatis utrinquè vix perspicuè attenuatis pappo niveo pauciseto eis paulò longiori terminatis exterioribus subincurvis.

Hab. in rupibus montis *Athonis*. (Aucher N° 3277, Friw.)

Folia cum petiolo ferè tripollicaria 4-6 lin. lata, caules 10-12 pollic., capitula magnit. *Leont. hastilis*. Species distinctissima ex affinitate *Cr. crocifoliæ* Boiss. et Heldr. quæ differt foliis angustissimis integris, acheniis lævibus apice valdè attenuatis, etc.

CREPIS RAULINI Boiss. (Sect. *Eucrepis*.)

Cr. perennis tota setis sparsissimis glanduliferis parcè obsita, rhizomate incrassato duro cæspitoso, foliis omnibus radicalibus viridibus oblongis in petiolum attenuatis parcè et remotè repando-denticulatis, scapis monocephalis folia paulò superantibus squamis paucis setaceis obsitis, capitulis mediocribus, squamis accessoriis paucis lineari-setaceis adpressis involucrio dimidiò brevioribus, involucri phyllis angustè linearibus acutis præter pubem sparsam brevissimam farinaceam setulis glandulosis paucis obsitis, ligulis flavis concoloribus involucrio vix sesquolongioribus, acheniis..., pappo niveo.

Hab. in *Cretâ* undè retulit et mihi comm. cl. Dr. Raulin.

Planta mihi ex unico specimine nota specimina parva *Seriolæ lævigatæ* quodammodò referens, folia pollicem aut paulò ampliùs longa 4-5 lin. lata acutiuscula acutè breviter et parcè dentata, scapi radicales bipollicares, capitula magn. *Cr. divaricatæ* cui accedit sed a quâ distinctissima.

CREPIS ELBRUSENSIS Boiss. in Kotsch. pl. Pers. bor. 1846. (Sect. *Hieracioides*.)

Cr. rhizomate filiformi nudo, foliis rosulatis confertis pilis albis